



Broj:24-sl-1/24

Datum: 16.01. 2024. godine

O B A V I J E S T

Zakon o prijavljivanju i postupku provjere podataka o imovini nosioca javnih funkcija u Unsko-sanskom kantonu („Službeni glasnik Unsko-sanskog kantona“, broj: 7/21.1/22 i 10/23), (u daljnjem tekstu Zakon), utvrdio je obavezu izabranih i imenovanih dužnosnika, nosilaca izvršnih funkcija, savjetnika, ostalih nosioca javnih funkcija (u daljnjem tekstu nosioci javnih funkcija), rukovodećih državnih službenika u organima državne službe Unsko-sanskog kantona, da prijave zatečenu imovinu i prihode, porijeklo i promjene imovine i prihoda, kao i poklone koje dobiju u toku obavljanja javne funkcije.

Naime, osim godišnjeg prijavljivanja imovine i prijave imovine na zahtjev Ureda, skrećemo vam pažnju i na član 9. Zakona kojim je propisano **prijavljivanje imovine prilikom preuzimanja dužnosti, a kojim je propisano da „lica iz člana 1. ovog Zakona su obavezna da prijave imovinu iz člana 8. ovog Zakona, u roku od 30 dana od dana preuzimanja javne funkcije, odnosno postavljenja na radna mjesta iz člana 11. stav (1) tačka a) Zakona o državnoj službi u Unsko-sanskom kantonu.“**

Dalje, članom 11. Zakona propisano je prijavljivanje imovine **poslije završetka dužnosti, mandata, razrješenja ili** postavljenja na drugo radno mjesto ili prestanak radnog odnosa.

Napominjemo, da je članom 9. Uredbe o uspostavljanju i vođenju Registra ličnih podataka o imovini i postupku provjere imovine nosioca javnih funkcija u Unsko-sanskom kantonu („Službeni glasnik Unsko-sanskog kantona“ broj: 20/22), utvrđena obaveza organa i institucija u koje se biraju ili imenuju nosioci javnih funkcija, da su dužne Uredu dostaviti rješenje, odluku ili drugi akt o izboru ili imenovanju nosioca javnih funkcija u istim, odnosno davanju saglasnosti na izbor ili imenovanje nosioca javnih funkcija i prestanku obnašanja javne funkcije, po bilo kom osnovu, u roku od 15 dana od dana izbora/imenovanja, davanja saglasnosti ili prestanka obnašanja javne funkcije.



